



Մ Ա Յ Ր Ա Թ Ո Ռ Ո Ւ Մ

Մայիսի 3-ին, կիրակի, Մայր Տաճարում պատարագեց հոգեշնորհ Տ. Արսեն վարդապետ Բերբերյանը:

* * *

Մայիսի 7-ին, հինգշաբթի, «Համբարձումն Քրիստոսի»: Մայր Տաճարում պատարագեց արժանապատիվ Տ. Մկրտիչ ավագ քահանա Մկրտչյանը:

Հավարտ սուրբ պատարագի, իջման Ս. Սեղանի առաջ, կատարվեց Մաղթանք՝ Հայրապետական Աթոռի Ստիգ Ս. էջմիածին փոխադրության տարեդարձի առթիվ:

* * *

Մայիսի 10-ին, կիրակի, Երկրորդ Մաղկազարդ: Օրվա տոնի առթիվ, Մայր Տաճարում պատարագեց և քարոզեց հոգեշնորհ Տ. Նարեկ վարդապետ Շաքարյանը, բնաբան ունենալով «Որ ի լրումն բոլորից տնօրինական մեծ խորհրդոյն առեցեիլն առ ի մէնջ, փառօք առ Հայր համբարձաւ»:

* * *

Մայիսի 14-ին, հինգշաբթի, Մայր Աթոռ Ս. էջմիածին ուխտի եկավ հյուրաբար Հայաստանում գտնվող Եթովպիայի հայտնի նկարիչ պր. Աֆեորդ Թեկլեն:

Հարգելի հյուրը այցելեց Ամենայն Հայոց Վեհափառ Հայրապետին և Նորին Ս. Օծուխյան հանձնեց Մոսկվայում Եթովպիայի կայսերական դեսպանի նամակը հանուն Հայկե Սեկասի կայսեր՝ այս տարի աշնան Ադդիս-Աբեբայում գումարվելիք միաբնակ եկեղեցիների համագումարի կապակցությամբ:

Այնուհետև բարձրաստիճան հյուրը, հոգեշնորհ Տ. Մեսրոպ վարդապետի առաջնորդու-

թյամբ, այցելեց Մայր Տաճարի եկեղեցական արվեստի գանձարանը և Հոգևոր Ճեմարանը:

* * *

Մայիսի 18-ին, երկուշաբթի, Հոգևոր Ճեմարանում սկսվեցին 1963—1964 ուսումնական տարվա ամսվերջի քննությունները: Քննությունների բացումը կատարվեց եկեղեցական արարողությամբ, նախագահությամբ Վ. Գերազույն Հոգևոր խորհրդի ատենապետ գեմարանի Տ. Սահակ արքեպիսկոպոս Տեր-Հովհաննիսյանի:

Ամսվերջի քննությունները կշարունակվեն մինչև հունիսի 4-ը:

* * *

Մայիսի 20-ին, չորեքշաբթի, Վեհաբանում պաշտոնապես Ամենայն Հայոց Վեհափառ Հայրապետին հանձնվեց Խաղաղության պաշտպանության սովետական կոմիտեի պատվոգիրը՝ Խաղաղության համար մղվող պայքարին գործուն մասնակցություն ունենալու, ժողովուրդների փոխըմբռնման հասնելուն աջակցելու համար:

* * *

Մայիսի 24-ին, կիրակի, Մայր Տաճարում իր անդրանիկ պատարագը մատուցեց հոգեշնորհ Տ. Գևորգ արքեպիսկոպոս Սերայդարյանը և քարոզեց «Ըն աղաչեցից առ Հայր և Նա մխիթանեալ թարիչ տացէ՞ ձեզ» բնաբանով:

Սուրբ պատարագին ներկա էր Վեհափառ Հայրապետը:

* * *

Մայիսի 25-ին, երկուշաբթի, «Սրբոց կուսանացն Հոգևորականաց»:

Առավոտյան ժամերգությունը պաշտվեց Մայր Տաճարում: Ժամը 11-ին, միաբանությունը և Հոգևոր Ճեմարանի ուսանողությունը ուխտի գնացին Ս. Հռիփսիմեի վանքը, ուր Կույսի անվան վկայարան-տաճարում սուրբ պատարագ մատուցեց Հոգեշնորհ Տ. Արսեն վարդապետ Բերբերյանը և քարոզեց «Զեղ նմանել կարօտին ամենայն հոգիք»:

Սուրբ պատարագին ներկա էր հավատացյալների բազմություն:

Հավարտ սուրբ պատարագի, տեղի ունեցավ Հոգեհանգստյան պաշտոն Կոմիտաս կաթողիկոսի և Ս. Հռիփսիմե տաճարի նորոգության բարերարներ Հյուսիսյան և Մանուկյան գերդաստանների ննջեցյալների հիշատակին:

* *

Մայիսի 26-ին, երեքշաբթի, «Սրբոց Կուսանացն Գալիանեանց»:

Մայր Տաճարում սուրբ պատարագ մատուցեց արժանապատիվ Տ. Մկրտիչ ավագ քահանա Մկրտչյանը:

* *

Մայիսի 28-ին, հինգշաբթի, «Տօն Սրբոյն Յովհաննու Կարապետին և Աթանագինեայ կաթիկոսպոսին»:

Ս. Շողակաթի վանքում սուրբ պատարագ մատուցեց արժանապատիվ Տ. Հակոբ քահանա Հակոբյանը:

Հավարտ սուրբ պատարագի, տեղի ունեցավ Հոգեհանգստյան պաշտոն՝ տաճարի նորոգության բարերար Գալենդերյան գերդաստանի հին և նոր ննջեցյալների հիշատակին:

* *

Մայիսի 23-ին, շաբաթ, «Տօն Սրբոյն Գրիգորի մերոյ Լուսաւորչին ելիցն ի վիրապէն»:

Մայր Տաճարում, իջման Ս. Սեղանի վրա, պատարագեց Հոգեշնորհ Տ. Գևորգ արեղա Սերայդարյանը և քարոզեց «Արմատ ճշմարիտ աստուածային օրինաց» բնաբանով:

* *

Մայիսի 31-ին, կիրակի, «Տօն Կաթողիկէ Ս. Էջմիածնի»:

Մայր Տաճարում, Էջմիածնի հիմնադրության մեծ տօնի առթիվ, հանդիսավոր սուրբ պատարագ մատուցեց Գերագույն Հոգևոր հորհրդի անդամ գերաշնորհ Տ. Ասողիկ եպիսկոպոս Ղազարյանը և քարոզեց «Տեղիդ այդ եղիցի տուն աղօթից ամենայն հաւատացելոց և Աթոռ քահանայապետութեան» բնաբանով:

Հավարտ սուրբ պատարագի, Վեհափառ Հայրապետի հանդիսադրությամբ, կատարվեց Հայրապետական մաղթանք:

Այնուհետև Վեհափառ Հայրապետը, Մայր Աթոռի տոնի առթիվ, Վեհարանում ընդունեց շնորհավորություններ:

